

বি আর বি হসপিটালস্ লিঃ
৭৭/এ, পূর্ব রাজা বাজার, পশ্চিম পাছুপথ,
ঢাকা-১২১৫

বিএইচএল - ০৫/৬৪০

২২ জুলাই, ২০২০ ইং

নোটিশ

বিষয় : আয়কর কর্তৃপক্ষের নিকট আয়কর বিবরণী দাখিল করা প্রসঙ্গে।

এতদ্বারা সংশ্লিষ্ট সকলের অবগতির জন্য জানানো যাচ্ছে যে, বাংলাদেশের জাতীয় রাজস্ব বোর্ডের নির্দেশক্রমে চাকুরীজীবীদের নিম্নোক্ত আয়কর বিবরণী সংশ্লিষ্ট আয়কর কর্তৃপক্ষের নিকট দাখিল করা বাধ্যতামূলক :

- ১। কর্মীর বেতন-ভাতার পরিমাণ যদি করমুক্ত সীমার বেশী হয়,
- ২। বেতনভোগী কর্মী যদি নির্বাহী বা ব্যবস্থাপনা পদে (যে নামেই অভিহিত হোক না কেন) নিয়োজিত থাকেন,
- ৩। বেতনভোগী কর্মী যদি শেয়ার হোল্ডার এম্প্লয়ী হন,
- ৪। বেতনভোগী কর্মী যদি নিয়োগ কর্তার অর্থায়নে মোটরগাড়ীর মালিক হন,
- ৫। বেতনভোগী কর্মী যদি কোন পেশাগত সমিতির সদস্য হন।

আয়কর বিবরণী দাখিল করার শেষ সময় নভেম্বর ৩০, ২০২০ ইং তারিখ পর্যন্ত। বিষয়টির গুরুত্ব এবং বাধ্যবাধকতার বিষয় অবগতির জন্য বাংলাদেশ ১৯৮৪ সালের আয়কর অধ্যাদেশ (As Amended upto August, 2019) - এর পৃষ্ঠা ৫৮০ ও ৫৮১ দুই পৃষ্ঠা এতদসঙ্গে সংযোজন করা হলো।

অতএব, সংশ্লিষ্ট সকলকে আয়কর বিবরণী দাখিল করার প্রমান পত্র অত্র প্রতিষ্ঠানের হিসাব বিভাগে জমা দেয়ার জন্য অনুরোধ করা হলো।

বি আর বি হসপিটালস্ লিঃ-এর পক্ষে


প্রধান নির্বাহী কর্মকর্তা

অনুলিপিঃ

- ০১। মাননীয় চেয়ারম্যান, সদয় অবগতির জন্য।
- ০২। মাননীয় ব্যবস্থাপনা পরিচালক, সদয় অবগতির জন্য।
- ০৩। সকল বিভাগীয় প্রধান।
- ০৪। অফিস কপি।

CHAPTER-VIII RETURN AND STATEMENT

রিটার্ন ও বিবৃতি

৭৫। আয়ের রিটার্নঃ (১) উপ-ধারা (২) এর বিধান সাপেক্ষে, প্রত্যেক ব্যক্তি আয় বর্ষের জন্য নিম্নোক্তক্রমে উপ কর-কমিশনারের নিকট তাঁর আয়কর রিটার্ন দাখিল করবেন অথবা দাখিল করার ব্যবস্থা গ্রহণ করবেন—

(এ) যদি কোন আয় বৎসরের মধ্যে তাঁর মোট আয় সর্বোচ্চ পরিমাণ অতিক্রম করে, যার উপর অত্র অধ্যাদেশের আওতায় আয়কর আরোপ করা হয় না, অথবা

(বি) যদি কোন আয় বৎসরের অব্যবহিত পূর্ববর্তী তিন বৎসরের কোন এক বৎসরে অনুরূপ ব্যক্তির কর নির্ধারণ সম্পন্ন হয়ঃ

(সি) যদি ঐ ব্যক্তি হন—

- (i) একটি কোম্পানী; অথবা
- (ii) এনজিও এ্যাসোসিয়েশন ব্যুরো হতে নিবন্ধনপ্রাপ্ত বেসরকারী সংস্থা; অথবা
- (iii) একটি কো-অপারেটিভ সোসাইটি; অথবা
- (iv) একটি অংশীদারী কারবার; অথবা
- (v) একটি ব্যক্তিসংঘ; অথবা
- (vi) কোম্পানীর শেয়ারহোল্ডার ডাইরেক্টর বা শেয়ারহোল্ডার কর্মচারী; অথবা
- (vii) অংশীদারী কারবারের পার্টনার; অথবা
- (viii) কোন কর্তৃপক্ষ, কর্পোরেশন, সরকারী সংস্থা বা কোন আইন, আদেশ বা দলিলবলে গঠিত তার ইউনিট-এ কর্মরত কোন সরকারী কর্মচারী, যদি ঐরূপ কর্মচারী আয়বর্ষের কোন সময় ষোল হাজার টাকা বা তদুপরি পরিমাণ মূল বেতন উত্তোলন করে থাকেন;
- (ix) একজন চাকুরীজীবী যিনি কোন ব্যবসা বা পেশায় নির্বাহী বা ব্যবস্থাপনাপদে রয়েছেন; অথবা
- (x) মাইক্রো ক্রেডিট রেগুলেটরী অথরিটি হতে লাইসেন্সপ্রাপ্ত কোন মাইক্রো ক্রেডিট প্রতিষ্ঠান; অথবা
- (xi) বাংলাদেশে স্থায়ী স্থাপনা বিদ্যমান এরূপ অনিবাসী।

(ডি) একমাত্র দাতব্য উদ্দেশ্যে গঠিত প্রতিষ্ঠান নয় এরূপ কোন ব্যক্তি বা তদুপরি যদি আয়বর্ষে অর্জিত আয়ের জন্য ধারা ৪৪ এর অধীন কর অব্যাহতি বা নিম্নহারে কর প্রদান সুবিধার আওতাধীন হয়; অথবা

(ই) সংশ্লিষ্ট আয়বর্ষের যেকোন সময় যদি ঐ ব্যক্তি নিম্নে বর্ণিত যেকোন শর্ত পরিপালন করেন, যেমনঃ

- (i) মটর কারের মালিক হন; অথবা
- (ii) মূল্য সংযোজন কর নিয়ন্ত্রণকারী যেকোন আইন এর অধীন নিবন্ধিত কোন ক্লাবের সদস্যপদ অর্জন করেন; অথবা
- (iii) কোন সিটি কর্পোরেশন, পৌরসভা বা ইউনিয়ন পরিষদ হতে গৃহীত ট্রেড লাইসেন্স দিয়ে কোন ব্যবসা বা পেশা পরিচালনা করেন; অথবা
- (iv) স্বীকৃত পেশাদারী প্রতিষ্ঠান হতে নিবন্ধনযুক্ত ডাক্তার, ডেন্টিস্ট, আইনজীবী, চার্টার্ড এ্যাকাউন্টেন্ট, কস্ট এন্ড ম্যানেজমেন্ট এ্যাকাউন্টেন্ট, ইঞ্জিনিয়ার, আর্কিটেক্ট বা সার্ভেয়র বা অনুরূপ যেকোন পেশাজীবী; অথবা
- (v) বোর্ড হতে নিবন্ধনযুক্ত কোন আয়কর আইনজীবী; অথবা
- (vi) চেম্বার অব কমার্স এন্ড ইন্ডাস্ট্রিজ বা ট্রেড এসোসিয়েশন বা বডি'র সদস্যপদ প্রাপ্ত ব্যক্তি; অথবা
- (vii) কোন পৌরসভা, সিটি কর্পোরেশন বা সংসদ সদস্য যদি অফিস পরিচালনা করেন;
- (viii) সরকারী, আধা-সরকারী, স্ব-শাসিত সংস্থা বা স্থানীয় সরকার কর্তৃক বিজ্ঞাপিত টেন্ডারে অংশগ্রহণকারী ব্যক্তি; অথবা
- (ix) কোন কোম্পানী বা গ্রুপ কোম্পানীর বোর্ড অব ডাইরেক্টর-এ চাকুরী করেন; অথবা
- (x) মটর গাড়ী সরবরাহ করার মাধ্যমে অংশী-আরোহন ব্যবস্থায় অংশগ্রহণ করেনঃ

তবে শর্ত থাকে যে, যেকোন অনিবাসী বাংলাদেশী রিটার্নে বর্ণিত তার করদায়, যদি থাকে, এর সমপরিমাণ অর্থ ব্যাংক ড্রাফটযোগে আয়কর রিটার্ন তার নিকটস্থ বাংলাদেশ মিশনে দাখিল করতে পারেন এবং উক্ত মিশন সরকারী সিলযোগে অনুরূপ রিটার্ন প্রাপ্তির রশিদ দিবে এবং রিটার্নটি বোর্ডের অনুকূলে প্রেরণ করবে।

(২) উপ-ধারা (১) এর অধীন আয়কর রিটার্ন নিম্নোক্ত ক্ষেত্রে বাধ্যকারী নয়—

- (i) মাসিক পরিশোধ আদেশ (এমপিও)-এর অধীন সরকারী সুবিধাভোগী শিক্ষা প্রতিষ্ঠান; অথবা
- (ii) সরকারী বিশ্ববিদ্যালয়; অথবা
- (iii) কোন ফান্ড; অথবা
- (iiia) অনিবাসী ব্যক্তিবিশেষ নন এরূপ অনিবাসীর বাংলাদেশে কোন স্থায়ী প্রতিষ্ঠান না থাকলে; অথবা
- (iiib) অনিবাসী ব্যক্তির বাংলাদেশে স্থায়ী ভিত্তি না থাকলে; অথবা
- (iv) বোর্ড কর্তৃক সরকারী গেজেটধীন আদেশবলে রিটার্ন দাখিল করতে হবে না মর্মে ঘোষিত কোন শ্রেণীর ব্যক্তি।